



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 31 » օգոստոս 2020թ.

ք. Երևան, Մ. Դավթի 87Ա

ՈՐՈՇՈՒՄ N 2268-2-Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Հայկ Արմենի Մխիթարյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Հայկ Արմենի Մխիթարյանի (ՀԾՀ՝ 2501940135, ՀՎՀՀ՝ 67006353, հասցե՝ ք. Վանաձոր, Տիգրան մեծի փ., 672., 27 բն.) չկատարված հարկային պարտավորությունը 07.10.2019թ. դրությամբ կազմել է 45.941 ՀՀ դրամ, որից ապառք՝ 40.800 ՀՀ դրամ, տույժ՝ 5.141 ՀՀ դրամ, որն առաջացել է ֆիզիկական անձի կողմից 2018 թվականին շարժական գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 08.01.2020 թվականին կայացվել է թիվ 2268-1-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 08.01.2020 թվականին թիվ 2268-1-Ա որոշումը կայացնելուց հետո ֆիզիկական անձ Հայկ Արմենի Մխիթարյանի կողմից ներկայացվել է եկամտային հարկի և սոցիալական վճարի 2018 թվականի տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 08.01.2020 թվականին կայացված թիվ 2268-1-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

ՈՐՈՇԵՑԻ

Ֆիզիկական անձ Հայկ Արմենի Մխիթարյանի վերաբերյալ ՀՀ ՊԵԿ իրավաբանական վարչության պետի կողմից 08.01.2020 թվականին կայացված չկատարված հարկային պարտավորությունները գանձելու մասին թիվ 2268-1-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կապ.՝ ԻՎ ՀԳ և ՊԿԱ բաժնի
գլխավոր մասնագետ, Թեհմինե Միքայելյան,
Հեռ. 011549191/91-69/

ԱՐՄԱՆ ՄՆԱՑԱԿԱՆՅԱՆ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am